

四川府縣志輯

(新編)

④3

中國地方志集成

同治嘉定府志

中國地方志集成

四川府縣志輯(新編) ④3

同治嘉定府志

巴蜀書社·鳳凰出版社·上海書店

第四十三册目錄

同治嘉定府志 ······

同治

嘉定府志

清·文良 朱慶鏞等 修 陳堯采等 纂
同治三年刻本 四十八卷首一卷

原序一

嘉定初名嘉州其改爲嘉州始於宋再見於元而定於我朝之雍正十二年

國初張觀察有嘉州志僅錄一紙祇載樂山一區而餘不備府志之名未之前聞余自嘉慶二年丁巳之歲奉

命入川至今七歷寒暑時時勞民作亂楚疆延及秦蜀來

川者醜逆囂闖余帥師召之于夔巫巴達之衝而嘉定則

未嘗一至且七年之間寒暑奔馳日以軍旅儲蓄爲事於

山中風土之殊圖籍人之之雅雖馬轍所歷採覽未遑况

足跡所未至何暇及之竊亥七月羣凶盡剪敷奏蕩平乃

嘉定府志 卷一 原序

再惟武修文綜理庶事當此時潤色到治教詠太平適

宜雲臺太守以新稱嘉定來請作序余展而閱之志

凡九日星野曰方輿曰營邑曰建役曰職官曰選舉曰官

職曰人物曰藝文錄于一府列于七縣計爲卷四十有八

篇三十餘萬言考據詳實條目諸書參以歷代國史訪之

書老博 通心履歷以斷編存其闕文犁然其然禮例

通一統山川之變極風土之殊宜簿領之前徵士夫之雅

考 數筆不啻如遊凌雲裁眉間而余數

下 爲陶寫夫乃欲著述刪定

也雲臺以甲科儀部出守

蜀中已未歲勦事川東軍需總局經理度支明練詳慎河

人賴之辛酉補嘉定守爲政有聲退食之下乃畱意于疆

域文物而成是書歐陽節度云青山綠水中爲二千石植

東坡詩云頗願身爲漢嘉守載酒時作凌雲遊若雲聖者

可以無歎矣余雖不文幸值氣祲全消

昇平共賦願以書露布之餘潘欣然振筆而序之

嘉慶八年歲次癸亥仲秋之月太子少保兵部尚書都察

院右都御史四川總督權成都將軍一等威勤伯前

太子太保經畧大臣一等威勤公長白勒保序

嘉定府志

卷一 原序

一

壬戌夏六月按試嘉郡太守予舊雨也於試畢之夕以手繕郡志見示彼時釐定者十之七八而功未竣也後亦僕僕道途未暇弁以言今夏由西甯返轍見姚觀察之爲序甚詳而太守適遣以全帙予備覽之知太守詞不負所學矣太守本江右名士丁未捷南宮其敏文習古遠見洽聞尤推重焉嗣以部郎來官於嘉嘉據省垣之東南水木清華登覽奇絕蜀中記所謂嘉州勝冠西州東坡也願載酒時作凌雲游是也太守撫斯郡甘棠四境時率郡之子弟而保師之頌比於龔黃如出一口惟是郡之甲於嘉定府志

嘉定府志 卷一 原序二

各邑也自星分地鎮以至草木蟲魚類多靈傑往往見於雜說及才人學士之謳吟而歷無專志求之故府僅十數紙耳亥豕魯魚而已太守於是仿李吉甫之作元和郡志鼻祖其事旁徵博引更歷寒暑而成書蓋不啻一篋爲山而百川灌海矣且夫郡縣之有紀載柱下之所資也予向備員於

國史館周知宇內圖籍每以珥筆爲兢兢方今

聖天子章明軌物

命在廷大臣重輯我

朝會典是以下採方隅靡遺遐遠川省當韜弓脫劍之餘

昇平修舉廢墜倍宜亟亟太守殆哀然稱首者也然稽古有素曷以克盡職守而宏此遠猷耶抑又聞之宋天聖時宋子京先生知成都府奉詔修刊唐書開簾燃燭和墨伸紙遠近望若神仙然則太守之勗是志也他日供輜軒之使備掌故之需固既明且確亦賢使君功業文章後先媲美于千百年之久者當見家學淵源有以並垂不朽云予故于蓉城校士後遺太守書而并爲之序

嘉慶八年歲在癸亥九月上澣提督四川全省學政掌河南道監察御史

嘉定府志 卷一 原序二

國史館總纂前翰林院編修加三級仁和錢斌撰并書

原序三

歲癸亥余蒞蜀之四年時宋君雲堊知嘉定府事有美政
公餘郵示所著嘉定府新志俾余為序其作志之顛末余
受讀之計四十有八卷共三十餘萬言可謂詳覈矣按府
治於禹貢在梁州之域殷周因之秦始并蜀置郡縣屬蜀
郡漢初別置犍為郡為南安資中二縣地齊後郡徙縣廢
梁屬青州西魏置眉州後周改嘉州轄平羌沉犀諸郡隋
置眉山郡唐宋復為嘉州兼置榮州南宋時又以潛邸升
嘉定府元為嘉定路明初改嘉定州

嘉定府志

卷一 原序三

一

世宗憲皇帝以其地幅員廣闊復嘉定府蓋

國家休養生息民數繁滋俗日以隆而田日以闢有自來
矣府領縣凡七附郭曰樂山西六十里曰峨眉自西而北
六十里曰夾江又西北八十里曰洪雅府東南百二十里
曰犍為後周之沉犀郡也東一百八十里曰榮自東而北
又七十里最遠於府曰威遠前臨大江扼夔敘之重阻却
背玉壘為成都之右臂環以羅葉青衣之水界以峨眉不
牛之山沃野雲委滿膝縞錯生物滋殖士女清醇實巴蜀
之間一都會也宋君之來治斯郡也教之以詩書課之以
農桑削去繁苛與民靜謐茶遇

學補治昌明重熙累洽百有餘年之久故能家給人足
何訟哀息一郡之中數年之間民謠思諳詠其德弗之忘
雖復良太守之為政實然抑亦際會

盛時之所為也無以志之何由使夫後之君子博考土物
風俗山川形勢及夫歷代建置之沿革離合古今人文之
炳靈載英如此之昌且熾哉嘉定之有府志也自宋昌昌
明始近千年中繼其軌者絕少雖間有作者如張玉甲之
嘉州志才數十紙尤多錯訛殘缺識者憾焉此宋君所以
感而有新志之作也余一再讀其書見夫土物風俗則得
諸退食之廣核山川形勢則得諸行縣之流覽歷代建置
嘉定府志 卷一 原序三

嘉定府志

卷一 原序三

二

則得諸廿史之志表古今人文則得諸百家之傳記旁通
淹貫體大思精以著

皇朝之治德以勵此邦之士習以備史氏之典章其為功
豈不鉅哉古者立德立功與立言並重宋君之治郡也既
大試所學以襄

聖天子平康之治而又出其緒餘精搜而遠紹之錄成斯
書以無愧宋世名賢之絕作斯亦不朽之大者矣抑宋君
之言曰吾之為斯書也草創於壬戌之夏四月編成於今
年之春二月不敢設局以擾士民不敢畏難而循苟且筭
疇之暇而山臨水朱墨糾紛陳於几榻日課著書一卷闕

八月而始成定本然則卽此書也可以想見宋君之爲人
與其所以治郡者雖淮陽之臥治宣城之坐嘯何以加哉
蜀地山水甲天下而嘉定尤爲之冠礪峩眉而帶陽江青
山綠水中作二千石宋君不負此郡此郡亦豈有負宋君
哉宋君名鳴琦雲壑其字江西奉新人乾隆丁未名進士
也余與宋君以舊相識又同蒞斯土故樂斯書之成爲序
以告後之守斯郡者且以爲勗

嘉慶八年歲次癸亥孟秋上浣四川布政使司布政使梁
溪揚揆撰

嘉定府志

卷一 序三

三

原序四

自歲丁巳以來予領戎役於巴東西間當是時重臣大帥
處宜漢居中調度故予時至焉己未秋 雲壑太守奉
朝命由副郎典郡入蜀以京餉故馳驛來宣漢予亦適至
因獲締交歡如故也越明年太守檄權戎州又明年授嘉
州去稍遠相見頗艱今年秋戎事解嚴重臣大帥以次凱
旋予亦將歸省垣旅次得太守書以新纂嘉志來質於予
發而讀之爲卷四十有八爲言三十餘萬有奇煌煌乎大
文也夫太守以年少取巍科擅著作才若茲書者蓋亦退
食之暇從容而爲之非有所難也抑太守之用心則固有

嘉定府志

卷一 原序四

一

深焉者矣今取其書而詳論之若名勝若建置則必反覆
於前代沿革之由險夷之故若祠祀若賦役則必推原乎
一代報答之微慈祥之旨水之利其興廢不可得而定也
土之物其有無不可得泥也職其興廢詳其有無則切切
然考之兵制之隆殺其分併不可以時拘也典籍之存亡
其淳駁不可以言竟也較其隆殺核其存亡則又諄諄然
論之際百餘年

重熙化洽之時蒐羅排比文經而獻緯之上以表揚

邇治下以嘉惠蒼黎其用心爲何如哉抑吾重有感者郡
舊無志微論唐宋以前僅存什一卽近代以來已十佚五

六矣今之志刺之于史于集于金石又考其宦蹟人物足以風世者別爲列傳宦蹟則政績之外并隸邊防人物則行誼之外尤詳列女列其所不能列傳其所不能傳凡若此者非以爲美觀飾也使官斯土者隸斯籍者人置茲編善者勉焉惡者警焉誰無天良敢不勸焉誰非子孫敢不勵焉勸與勵交深則士習端士習端則民風古下之無以爲父老辱上之無以爲

朝廷憂古大儒敦本探原之治其以此哉其以此哉太守以書質於予予固不能以不文辭然以戎馬倥偬言之而不能詳惟言夙昔之所以重太守與太守之所以爲是書嘉定府志 卷一 原序四 二

知亦勿煩予之贅述也
嘉慶八年歲次癸亥仲秋月中浣
誥授通議大夫四川等處提刑按察使司按察使兼管驛傳事軍功加十級貴陽劉清撰

原序五

嘉定居蜀之西南汶沫襟其前熊耳峙其後西控瓦口撫戡眉東接江陽北暨隆山光武所歎爲士大夫之郡顧自漢孝武建郡暨厥後升改靡常分合不一其紀載則自宋呂昌明志既不傳嗣此稍有採集迄無成書良可歎也我

國家重熙累洽休養生息旣庶旣繁自雍正十二年復升州爲府增學校廣教化聲名文物日新月盛蔚乎西蜀一大都會矣其間山川人物之所鍾靈政事文章之所標著以及一言行之故一名一物之微考古証今微顯闡幽嘉定府志 卷一 原序五 一

皆教化之大端而守土者之所宜講求也鄙陽馬氏有云志者憲章之所繫非老於典故莫能爲是非才學識兼擅其長將舉一廢百襲謬承訛軒輊失宜繁簡寡要皆所不免况乎前無所承不假憑籍而網羅千載折衷一是者哉歲辛酉豫章宋公來守嘉郡期年政修人和百廢具舉慨嘉志之失所依據也謂郡志宜急修者有五毅然以作述爲己任爲之起例以正義孚綱以統目聚類以分門上下千古兼綜而條貫之於古則義無微而不析一字之疑必求其安於今則事雖微而必錄一善之採必求其至閭八月而蕝事爲書三十餘萬言猗歟盛矣今而後採風之史

考古之儒具有所徵而信矣今夫事有創有因乃有於例
爲因於時爲創者其任獨艱且鉅是役也以敘疆域而爲
嘉爲眉互有所隸以攷沿革而省志邑志舉不足憑以稽
人物而州志數十紙遺漏過半體類混淆識者苦之公乃
獨闢蠶叢力承墜緒搜軼事於曩編訪舊聞於故老取材
旣富辨析復精故能溯流窮源詳審精密則信乎獨肩其
鉅而圖其艱者矣憶予自滇入蜀吏事所及始視犍爲
權鹽權其間沂青江眺我峯問王喬彭祖之遺墟訪白虎
寶甌之殊蹟見夫江山秀麗民物殷繁未嘗不思考獻徵
文以求一當而風塵鞅掌卒未之逮也乃今獲讀斯編竊
嘉定府志

卷一 原序五

二

歎取精用宏蔚爲鉅製殫一己之願力成一方之信史渾
乎淵乎有莫測其涯浹者豈僅先得我心已哉抑余於是
更有望焉都人士生際
盛朝食德飲和摩仁漸義百數十年於茲矣環顧郡中
秀所鍾微休具在今皆有以表揚而尊顯之爲邦家慶爲
典册光屬在邇人宜何如自勵以期仁讓風行賢才日盛
仰副

聖天子化民成俗之至意兼體賢太守修廢舉墜之深心
使採風與考古者觀其俗覽其書而知爲全蜀西南增色
也夫事有所誘掖而愈動心有以觀感而益興是書旣成

不惟後之作者有所考鏡而風俗之蒸蒸日上實於是乎
在故樂爲之序

嘉慶八年歲次癸亥立秋前三日四川通省鹽茶分巡成
綿道雲間姚令儀撰并書

嘉定府志

卷一

原序五

三

原序六

修志守土者事也圖籍具存菑文可攷踵而修之猶易事耳若置郡以來舊無專志其屬在鄉邑各抱殘編又復傳聞異詞體例乖舛求諸前賢所撰記錄但存名目其書皆不復可見於此欲旁搜遠引哀輯成書前事賴以折衷後人資為攷據此其事甚難功甚鉅非兼才識學三長者弗克為為之亦未克盡善也漢嘉古稱士大夫郡江右宋公冀聖來守於茲有惠政公餘徵閱郡屬志乘除健為志外各寥寥數十紙半出於傳寫脫落不完錯謬迭見不唯唐宋以前事蹟失攷即近今風土人民政治一切亦無由綜覈公心惻焉且慮後此愈久而愈難稽也遂毅然以專志自任予恭膺

嘉定府志

卷一 原序六

簡命監察川南今年春勾當馬邊番發事路出漢嘉公纂新志適成屬為之敘時兼程前進諾而未暇也四閱月番夷來格邊務報歲於是復過漢嘉公延予於凌雲山升高以望大峩三水周覽莫畢昔歐陽節度謂青山綠水中為二千石不其然乎越宿旋上南治取道峽江洪雅秋稼新登歲穰而民氣樂焉篋篋中閱新志凡例並所自序始悉公之纂輯若斯之難也大要有二其求協於古者遵大清一統兼采歷代史地理州郡志省志諸書參辨異同

訂正二百餘條又搜取唐宋詩文及歷代金石之作其求協於今者徵諸案牘詢于耆庶揆之傳言以期詳備蒼華古今裁定體例為卷四十有八公於是役可謂勞矣且嘉自後周設郡嗣為州為路沿革不一宋呂昌明陳嘉言嘗有志其全書均失傳竊憶時殊制異或一郡而數分之一縣而數隸之其幅幘之廣人民之庶斷未有盛如今日者我

國家

重熙累洽承平百餘年矣嘉自雍正十二年升為府尚無專志前之守於斯者豈政有所不暇而志未逮歟抑以圖籍無存菑文鮮據事甚難功甚鉅必待其人故遲之又久以至今日歟志既成一方之山川風俗宦蹟職官選舉釐然具備且郡屬士女之忠義節孝久湮於里閭者咸賴以闡揚而後之續修者亦得按此為攷証公之功為何如乎予往返於漢嘉郡縣沃野桑麻男耕婦織政清訟簡士民淳頤而樂之而又快觀是書之成因為郡士大夫賀其得賢太守也是為序

嘉定府志

卷一 原序六

旨

嘉慶八年歲在昭陽大淵獻孟秋既望敘於平羌官署誥授中憲大夫

欽命四川分巡上南建昌兵備道前知甯遠府夔州府事
鹽督夔渝關務加五級紀錄十次淮南方積撰

嘉定府志

卷一

原序六

三

原序七

憶乾隆中予官楚北 梅生宋太守以名進士官儀部因
假歸薄游江漢訂交於郢中官署當是時傾蓋論心連茵
談藝自謂漢上題襟未之或過會太守既赴都予亦旋膺
戎檄馳驅辰湘以南停雲之思時縈心目嘉慶初年太守
與予各以副郎先後來川太守會稽轉運册於宣漢庚申
夏因公來會垣始相晤於錦里新岑舊雨其樂有加後各
以檄權州軍事予往夔巫太守之戎燹或在巴東或在蜀
南會面稍慳既而太守又以

嘉定府志

卷一

原序七

一

簡命補嘉予亦改權塗山再賦從軍則不獨小集爲艱而
僕僕勞人郵筒亦逾時始達迴念郢中錦里之游何可得
哉前年軍役底定予以

朝議奉

命觀察建昌竊喜相聚有期且嘉雅帶水太守亦甚喜過
從之邇也然之官後卽以嵩州野獐連年不靖歲除滌瀝
冰霜風雪之區于役經時不獲辛盤甲讌略敘往情而太
守則候緘時達嘉飾類仍并示以歲所撰郡志一書古語
今情未之能答去春雋夷旣平振旅言還燕寢稍暇始
發讀所寄郡志於文獻罕徵中雲結屨編詳一三十餘萬
言援據之富辨證之詳洵稱千古大觀而山川之奇麗風

士之嘉祥人物之殷繁官師之振飭既開卷而得亦借鑑
匪遙昔人論嘉志者於宋稱呂昌明於明稱陳嘉言於茲
而三矣即欲弁以數言志欽嚮以敘曩情而自夏涉秋擾
以官事匆匆未就蓋數載以來非僅晤言惟難即文字因
緣亦覺耿耿予懷矣去年嘉平予以制檄駐嘉州督理漕
運猷歲公事既竣每於風日晴和近臨民風恩覽烏尤凌
雲之勝於太守所以承流而宣化者莫不一一識之然足
時太守先以卓異入

觀竟未能高齋春讌小隊芳郊一踐郢中錦里之樂行館
清閒乃於日來所見徵之新志播爲聲詩既又綴以序言
嘉定府志 卷一 原序

各以類附詎獨藉法欲載敘曩續茲一段文字
因緣也噫自予交太守十餘年于斯矣郢中之集知其才
錦里之談悉其戎嘉州之志欽其文治而郡屬烏尤一
山又十年前重遊熱地熟人知之深交之密九有逾于語
言文字外者予謂嘉州時曾作平夷記之太守亦以
爲可今所屬建昌 圖經既無卽有亦寥寥無幾
欲于公餘爲之未知能增系思也時嘉慶
乙丑初春上元

欽命四川分巡建昌兵備道前攝夔州府重慶府吏部司
務充則例館纂修工部員外郎大興鄭成基撰

原序八

郡有志自宋呂昌明始本圖經而增廣之蓋專志也若以
山水志者則有張開峩眉志袁子讓二山志以政事志者
則有鄧嘉猷西南備邊志四諫奏議以文章志者則有唐
求詩集邵博聞見後錄安磐頤山集以道釋志者則有弘
道陵峩眉山神異記無名氏峩眉記陳惟直刀圭錄以動
植志者則有沈立海棠譜孫長民海棠記鄒簡臣動植譜
總其義類殆數十百種此其人或官於斯或游於斯生於
斯代不一人人不一書而要以闡山川之勝槩紀風土之
殊宜表簿領之前徽明士夫之雅尙以供輶軒之採以爲
嘉定府志 卷一 原序八

守土之程則一也後之人誦其書考其地稽其時當何如
朝夕一編以無負此佳郡 以己未秋入蜀明年權戎州
事以公事過嘉州青山綠水中爲二千石始信歐陽節度
語爲不謬會匆匆去無由外任每嘆岑南陽陸山陰得爲
此郡殆有夙分又明年奉春

朝命來守是邦于是游嘉之願大覺公少暇卽索向所論
諸志欲得盡觀之以爲從公之式遲之又久僅得
國初張玉甲觀察所輯嘉州志烟煤鼠嚙纒數十紙蓋勝
國兵燹藏書殆盡可慨也夫嘉宜有志在今日亦甚急急
矣當

憲皇帝時以疆宇之日闊民生之日富改牧爲郡皇皇然爲大都會者幾百年曾無一卷書紀一方事非所以仰頌麻隆賡颺

盛治也其宜急一也宋志不及見矣繼昌明而作者明人如陳嘉言輩皆良史才屬縣之有志者勾演圖經外張庭陝嗣宗亦名重一時假令其書尙存亦僅在采取之列何者州郡異宜則義利迥殊况區區者之百無一存耶其宜急二也郡地齊梁以前隸屬不常又時淪於僚一時循吏勲猷鄉先生德澤落落晨星斯固無如何者也顧自後周以來州郡之制時分爲二或參爲三屬縣併改比附尤不

嘉定府志

卷一 原序八

二

一致中間或爲藩鎮或爲路府至明始併爲一州此千餘年中名宦多矣人物宏矣國史所書父老所傳金石之所錄不以時采輯後亦有不可盡考之勢然此猶曰成書尙在有心者可自求而得之勝朝以來三百年中烈士忠臣義夫節婦名不登策府聲不出閭閻者多矣及今蒐羅文獻寥寥已不免十忘五六更有甚者今此五六十一年中近而可攷矣而屬縣職官選舉列女諸條或案牘廢蝕或子孫中落罔可盡稽其宜急三也且夫文人相輕自古而然斷斷焉指前人之瑕疵以自伸其說固可無庸然亦有不

得不辯者寰宇廣輿諸書所記較廣錯訛誠所時有總志

省志爲一方而作州志縣志爲一州一縣而作宜其信而有徵然沿革一門純繆特甚山川則擁斯茫水隄爲入江宜賓入江兩存其說人物官蹟則漢之犍爲武陽俱爲闢入更有濫及旁郡者乖舛不能備臚其宜急四也兩戒稱大江者以江爲最江之在蜀者以郡爲會渠江沫江青衣三水常道將諸書文簡義該既不免後人之疑自水經注而下又紛紛陳說如議禮聚訟不可究詰幸而備員斯地泝源竟委攷核無難其宜急五也夫

國家邦治昇平百五六十一年於茲矣風雨以時士民安業嘉又當蜀奧區水木清華在西南號爲無事以甚急之務

嘉定府志

卷一 原序八

三

際可爲之時雖弗文敢謝不敏哉去年夏四月郡試既竣清齋多暇爲之考其異同審其體例閱月規模已具既而懼其弗協於古也發行篋所攜地理傳志諸書并參以歷代國史錯綜枝核以求一是又懼其弗協於今也凡事之涉於官者則檄之縣以求之凡事之涉於民者則詢之耆老徵諸遺言并廣爲榜諭以期於詳凡八閱月而書成今年二月付於梓又六月而役畢計爲卷四十有八爲言三十五萬有奇以闡山川之勝概以紀風土之殊宜表薄領之前徽以明士夫之雅尙固不敢期於輶軒之采而所以自爲守土之程者則亦庶幾乎可信焉聞之燕石

自珍域於見也醜雞炫舞限於地也河伯望洋進於道也
崑山拉鵲廣於材也持一束書括上下數千年事不必智
者知其邊幅之窘矣宋明二史所收蜀地理志於州郡不
過呂昌明陳嘉言嘉州志數種郡之爲志貴矣當世著作
之林如以斯志爲可而增損之潤色之俾得附呂陳二公
後何幸如之卽不然或節取其長別成一書如張開峩眉
志鄧嘉猷西南備邊志沈立海棠譜存其名於書錄於通
考於讀書志不僅爲琦一人守斯土之程則又日夕望之
矣

皇清嘉慶八年歲次癸亥孟秋月下浣

嘉定府志

卷一 原序八

四

賜進士出身

話授朝議大夫知四川嘉定府事前禮部祠祭清吏司員

外郎新吳宋鳴琦撰

原序九

府志成於癸亥今閱十年矣其中職官選舉遷徙不常科
名日廣而峩邊一役勤我王師建官守立營制比復以夷
人改土歸流其有關於國計民生建置沿革者尤非細微
增之而未遑也今年會大府

奏修省志各屬皆以志來因取舊志復加參校向之遺者
增之異者同之缺者補之峩邊廳志則全行增入計浹旬
而事集夫事難於創尤貴於因更歷數十年後來者其視
今爲何如也因敘其梗概如左嘉慶十七年歲次壬申李
秋月中浣知府事宋鳴琦識

嘉定府志

卷一 原序九

一

重修嘉定志序

夫志也者誌而傳之也非徒備一時之故事乃為他日徵文獻耳嘉定志國初僅數十紙自宋雲墅先生重加刪定漸臻美備矣迄今多歷年所滄桑屢變棗梨不壽竟成闕典予守是邦詎可任之於是延

設局而纂修焉然予之修也亦重修也若修

廢而更前人之絃仍廢也何修乎故條例綱目一遵舊章雖遺文佚事不無益贅於其間亦惟期於舊廢具舉非敢云於舊有加也至於修志之深心讀志之觀感與夫志中之節概皆前賢所已序及者茲不附筆焉非略也懼襲耳

嘉定府志

長白文 良序

續修嘉定府志序

修志之弊約有五端有就前人之書略為增減遂謂遠邁前人其實狙公之三四耳其弊一也有攘竊前人遂為己有如郭象之於向秀其弊二也有矜奇立異炫己之長詆毀前人其弊三也有可疑之處或徧祖一說或任意刪削昧聖人闕如之義其弊四也又其甚者掠美市恩瞻徇情面於職官則濫稱名宦於人物則謬贊賢良弄月吟風之句輒入藝文索隱行怪之談詫為仙釋其弊五也除茲五弊而欲率爾操觚憂憂乎難哉嘉定舊無志昌明之圖經早亡張玉甲所編半多脫落如張開之峩眉志袁子諫之

嘉定府志

卷一

二山志鄧嘉猷之備邊志邵博之聞見錄陳惟直之圭刀錄沈立之海棠譜或紀山川或紀政事或紀物類亦不得謂之總志惟奉新宋公梅生典郡時創修府志博覽羣書廣為蒐羅為類有九為卷四十有八為言三十五萬有奇洋洋乎大觀也第歷年久遠板已朽蠹不能不重刊既重刊矣而此數十年中之職官選舉忠臣孝子名儒碩彥烈女貞婦有關於人心風俗者可竟聽其湮沒乎爰不揣固陋舉而增之一切體制悉照原志凡新增者附錄於各門之後正所以藏己之拙而求免於五弊也是役也興於咸豐九年四月守郡者長白文公治菴嗣因滇匪之亂暫行